

11^բ] և ի նոյն բնակեաց. և վասն այնորիկ զան-
ցաւորս արհամարհեաց, առնելով և ուսուցա-
նելով՝ զի մեծ կոչեսցի ի սեփհական ժառան-
գութիւնն. ուր են հաւքն ա և նախնիք նորա, զի
որոց զկնի հետեւեաց՝ նոցա է ստուգապէս
զարմ և զաւակ: Նախահարցն, նահապետացն, ք
հայրապետացն, քահանայիցն, դատաւորացն,
աւգոստէիցն, տեսանողացն, աւետարանչացն,
առաքելոցն, հովուացն, և վարդապետացն և
համայն հոգեւոր լրման ի միասին հաւաքելոց
ընդ ամենեսեան և այժմու գովեցեալս: Ընդ
ոմանս նախանձեցաւ՝ և յոմանց խուն ինչ
վերջացաւ, եթէ ոչ յանդգնութիւն է ասել և
գերազանցեաց ևս. ոմանց բանին, կիսոց գոր-
ծոյն, այլոց հեղութեանն, ոմանց նախանձուն,
յոլովից վտանդիցն, ոմանց առաւել՝ և կիսոց
համայնի նմանեաց. և այլ յայլմէ զգեղեց-
կութիւնն ընկալաւ՝ որպէս որք զանդրիանդս
գերազանցութեամբ գրեն: Մի առաքինութեան
տեսակ յամենեցուն հաւաստացոյց. դրժնէիցն
բանիւ՝ գերազանցեաց գործով, և գործաւնէիցն՝
բանիւ յաղթեաց. քան զորս գերկոսեանն ու-
նէին՝ միովն յոլովեաց, և քան զորս ի միումն
ծայրագոյնք՝ բազմաւքն զանց արար: Եւ եթէ